

RESOLUCIÓN da Comisión de Selección pola que se aproban e se fan públicas a relación provisional de persoas admitidas e excluídas, as puntuacións provisionais e a adxudicación provisional correspondente ao concurso específico de méritos para prover postos de persoal docente en prazas sometidas a convenio ou a programas específicos desta consellería, convocado mediante a Orde do 23 de xuño de 2025 (DOG n.º 122, do 27 de xuño) (código de procedemento ED013C)

Mediante a Orde do 27 de xuño de 2025 convocouse concurso específico de méritos entre persoal funcionario de carreira e en prácticas dos corpos docentes que imparten ensinanzas reguladas na Lei orgánica 2/2006, do 3 de maio, de educación, para prover postos de persoal docente en prazas sometidas a convenio ou a programas específicos desta consellería (DOG n.º 122, do 27 de xuño) (código de procedemento ED013C).

A base novena desta convocatoria pública encomenda á Comisión de Selección, entre outras funcións, a comprobación dos requisitos de participación, de cobertura das prazas solicitadas, así como a valoración dos méritos das persoas concursantes así como ditar a resolución pola que se aproba e se publica, no portal da internet da Consellería, [www.edu.xunta.gal](http://www.edu.xunta.gal), a relación provisional de persoas admitidas xunto co baremo provisional, así como daquelas que se exclúen provisionalmente, coa causa de exclusión

Logo de revisadas as solicitudes de participación, comprobado o cumprimento dos requisitos esixidos e do baremo alegado polas persoas concursantes nesta convocatoria, de acordo co disposto na base décimo terceira da dita convocatoria procede aprobar a relación provisional de persoas admitidas e excluídas, o baremo provisional e a adxudicación provisional e facelas públicas no portal da Internet desta consellería, [www.edu.xunta.gal](http://www.edu.xunta.gal).

En consecuencia, esta Comisión de Selección

## RESOLVE

**Primeiro.** Aprobar e facer pública, no portal da Internet desta consellería [www.edu.xunta.gal](http://www.edu.xunta.gal), como anexo I desta resolución a relación provisional de persoas candidatas admitidas e excluídas, coa especificación da/s causa/s de exclusión así como as puntuacións provisionais asignadas como resultado da aplicación do baremo que rexe de conformidade coa base sétima desta orde.

**Segundo.** Adxudicar de xeito provisional e facer público na páxina web desta consellería [www.edu.xunta.gal](http://www.edu.xunta.gal), como anexo II desta resolución, o destino das persoas concursantes seleccionadas para cubrir as prazas que se especifican, consonte ao establecido na base décimo segunda desta orde e segundo a orde de prelación sinalada polas persoas concursantes na súa solicitude.

Ao tempo, declarar desertas as seguintes vacantes pola casuística que se explicita:

N.º POSTO	DESTINO	MOTIVO DA DECLARACIÓN DE DESERTO
18	ESENGRA- Ferrol (A Coruña)_Hostalaría	NON ACADAR AS PERSOAS SOLICITANTES A PUNTUACIÓN MÍNIMA REQUIRIDA PARA O PROXECTO
20	Escola de especialidades Antonio Escaño- Ferrol (A Coruña)_Sistemas Electrónicos	NON ACADAR AS PERSOAS SOLICITANTES A PUNTUACIÓN MÍNIMA REQUIRIDA PARA O PROXECTO

**Terceiro.** De conformidade co parágrafo segundo da base décimo terceira desta orde, as persoas aspirantes poderán presentar as reclamacións contra a citada resolución provisional que coiden convenientes dirixidas a esta Comisión de Selección, no prazo de cinco (5) días hábiles, contados a partir



do seguinte ao da súa publicación no portal, por medios electrónicos, mediante o trámite "Alegacións" activado para estes efectos no procedemento normalizado ED013C.

**Cuarto.** Así mesmo, de conformidade co parágrafo terceiro da base décimo terceira desta orde, o persoal concursante poderá presentar renuncia de participación no concurso por medios electrónicos mediante o trámite Renuncia activado para este efecto no procedemento normalizado ED013C, no prazo de cinco (5) días hábiles, contados desde o día seguinte á publicación da dita resolución na páxina web desta consellería.

Esta renuncia afectará todas as peticións consignadas na súa solicitude de participación e producirá os efectos previstos no artigo 94 da Lei 39/2015, do 1 de outubro, do procedemento administrativo común das administracións públicas.

As persoas que desexen renunciar á súa participación no concurso deberán realizar a renuncia aínda no suposto de que non obteñan destino na resolución provisional, xa que, de non o faceren, poderán obter destino na resolución definitiva, cos efectos previstos na base décimo cuarta da citada orde, relativa á resolución definitiva.

Asinado electronicamente en Santiago de Compostela

O presidente da Comisión de Selección

José Carlos Barros Pardo

